



Вазирликнинг 2021 йил “3” май даги
208 -сон буйруғига 12-илова

“Баҳор нафаси” талаба-ёшлар ўртасида онлайн-фототанлов НИЗОМИ

I. Умумий қоидалар

1. Ўзбекистон Ёшлар ишлари агентлиги билан ҳамкорликда 2021 йил 29 январда тасдиқланган “2021 йил Ёшлар ўртасида маънавий-маърифий ва тарбиявий ишлар самарадорлигини ошириш бўйича Олий ва ўрта махсус таълим вазирлиги тизимида амалга ошириладиган ишлар юзасидан чора-тадбирлар Дастури”нинг 2-бандида белгиланган вазифалар ижросини таъминлаш мақсадида ташкил этилади.

2. “Баҳор нафаси” талаба-ёшлар ўртасида онлайн-фототанловда олий таълим муассасаларида таҳсил олаётган талабалар ўзларининг ижодий ишлари билан иштирок этади.

3. Танловнинг таълим муассасаси босқичларини ташкил этиш ва ўтказиш жараёни олий таълим муассасалари Ёшлар масалалари ва маънавий-маърифий ишлар бўйича проректор томонидан амалга оширилади.

II. Танловнинг мақсади ва вазифалари

4. Танловда талабалар ўзларининг олган фотосуратлари билан иштирок этиб, Ватанимизнинг гўзаллиги, нафосат олами яъни табиат чиройи, соҳили хушманзаралари, шунингдек, мафтункор манзаралари, ранг тасвир билан ажралиб туриши, тоғлари, шаршаралари, зумрад ўрмонлар, ўсимликлар бой дунёси хақида катта таассуротни инобатга олиб ўз тенгдошларига тарғиб қилиш. Хусусан, ёш ижодкор талабаларни қўллаб-қувватлаш орқали уларни оммавий ахборот воситаларидаги чиқишларини янада кўпайтириб, ўз иқтидорини юзага чиқариш учун шарт-шароитлар яратиб бериш ва рағбатлантиришдан иборат.

III. Танловни ўтказиш босқичи ва муддатлари

5. “Баҳор нафаси” талаба-ёшлар ўртасида онлайн танлов икки босқичда ўтказилади.

Биринчи босқич – олий таълим муассасаси микёсида факультетлараро 1 майдан 10 май кунигача ўтказилади.

Иккинчи босқич (якуний) – республика олий таълим муассасалари ғолиблари ўртасида 2 июнь куни ўтказилади.

IV. Танловни ташкил этиш ва ўтказиш

6. Танловнинг биринчи босқичини ўтказиш бўйича олий таълим муассасаси ректори буйруғи билан Ташкилий қўмита ва соҳа профессор-ўқитувчилари, олимлари, мутахассислари, жамоат ташкилотлари вакилларида иборат таркибда Ҳакамлар хайъати тузилади.

7. Талабалар томонидан йўналишлар бўйича тайёрланган ижодий ишлар факультетлар ва ОТМ кесимида тузилган Ҳакамлар хайъати томонидан танлов шартлари ва мезонлари асосида баҳоланади.

8. Танловнинг иккинчи босқичини ташкил этиш ва ўтказиш Олий ва ўрта махсус таълим вазирлиги қошида ташкил этилган Ташкилий қўмита томонидан амалга оширилади.

Танловнинг якуний босқичи ғолибларини аниқлаш бўйича Ҳакамлар хайъати тузилади ва хайъат таркибига соҳа бўйича етук мутахассислар жалб этилади.

V. Танлов шартлари ва баҳолаш мезонлари

9. Танловга тақдим этиладиган фотосуратлар қуйидаги мезонларда баҳоланади:
- а) Танлов мавзусининг мазмун-моҳияти тўлақонли очиб берилганлиги;
 - б) фото жанрларининг тўғри танланганлиги;
 - в) жанр хусусияти ўзида акс эттирилганлиги;
 - г) фотосуратнинг ахборотлиқ даражаси;
 - д) фотосуратнинг ўзига хослик, образлиқ, ҳиссийлик, ифодавийлик даражаси; суръат олиш маҳорати.
10. Суратга олиш жараёнида турли инновацион-техникадан фойдаланиш мумкин.
11. Олинган фотосуратга қайтадан ишлов бериш (photoshop) мумкин эмас.
12. Юқоридаги талабларга жавоб бермайдиган ижодий ишлар қабул қилинмайди. Муаллифлик ҳуқуқи бузилишига йўл қўйилмайди. Плагиат ҳолати аниқланганда иш танловдан четлатилади.
13. Танлов 10 баллик тизим асосида баҳоланади.

VI. Ҳужжатларни тақдим этиш тартиби

14. Тақдим этиладиган фотосурат (5 та) 1280x720 ёки 1920x1080 ҳажмда бўлиши керак.
15. Барча фотосуратлар ҳар бири олий таълим муассасасининг Ишчи гуруҳига тақдим этилади.
16. Ижодий ишлар иштирокчи талаба-ёшларнинг ўқиш жойи, факультети, курси ва таълим йўналиши тўлиқ кўрсатилган ҳолда тақдим этилади.
17. Олий таълим муассасаларида ғолиб бўлган, 1-ўринни эгаллаган талабаларнинг ҳужжатлари (*ОТМ Ташкилий қўмитаси баённомаси ва қарори, ғолиб бўлган талабанинг ижодий иши*)ни Республика Ташкилий қўмитасига электрон шаклда жорий йилнинг 15 май кунига қадар mediamaskan@edu.uz электрон почтасига ҳамда қуйидаги телеграм (99)-675-97-33 тақдим этилади.

VII. Танлов ғолибларини тақдирлаш

18. Танловнинг якуний босқичида юқори 1-, 2-, 3-ўринларни эгаллаган талабалар олий таълим муассасалари томонидан махсус диплом ва қимматбаҳо совғалар, шунингдек, танловда фаол иштирок этган талабалар олий таълим муассасасининг фахрий ёрлиқлари билан тақдирланади. Юқори ўринни эгаллаган талабаларнинг ижодий ишлари олий таълим муассасасининг ижтимоий тармоқлардаги расмий саҳифаларида ёритилади.
19. Танловнинг Республика босқичида ғолиб бўлган талабалар Олий ва ўрта махсус таълим вазирлигининг дипломлари ҳамда қуйидаги тартибда пул маблағлари билан рағбатлантирилади:
- 1-ўрин – 2 000 000 (икки миллион) сўм;
 - 2-ўрин – 1 500 000 (бир миллион беш юз минг) сўм;
 - 3-ўрин – 1 000 000 (бир миллион) сўм.

VIII. Якуний қондалар

20. Танлов ташкилотчиларининг Республика босқичи харажатлари – 1 000 000 (бир миллион) сўм.
21. Танловларни ўтказиш жараёнлари бўйича келиб чиқадиган низолар қонун ҳужжатларида белгиланган тартибда ҳал этилади.
22. Танловнинг натижалари ОАВ томонидан ёритилади.